

informaziuns 2026



Preziau pumpier

En emprema lingia engraziel jeu a Ti per Tiu engaschi en favur dil corp da pumpiers Lumnezia e per la segirtad publica da nossa biala vischnaunca.

Cun igl 1. da schaner 2026 astgel surprendre il commando dad il corp da pumpiers Lumnezia. Ei legra mei zun fetg dad astgar tgamunar il corp da pumpiers Lumnezia.

Per esser semtgai era egl avegnir per ils differents seracass, vulein nus exercitar e seperfectiunar vinavon. Nus fagein quei annualmein durant 8 exerchezis, respectivamein 13 exerchezis per commembers dil cader. Quels hai jeu repartiu sigl entir onn. In seracass savess numnadamein era succeder igl unviern e lu fussen nus confruntei cun sfidas supplementaras (neiv, glatsch, uals schelai e curclai, ferdaglias, l'aua che schela els uders, munconza d'aua,...) Aschia stuein nus era exercitar sut talas cundiziuns ch'engraveschian nossas lavurs.

Il program d'exercezi 2026 cun tes termins persunals hai jeu tarmess per mail ni ei aschuntaus. Fai aschi bien e reservescha quels termins e pren part als exerchezis. Tei sco pumpier incorporaus supplicheschel da prender part als exerchezis tenor Tiu plan, ni exepziunalmein era en in'otra secziun. Il corp da pumpiers Lumnezia porscha ca. 30 exerchezis, aschia che mintgin vegn da frequentar ils 8 exerchezis annuals. Da l'otra vart eis ei era impurtont che Ti sas trenar ils differents uaffens che nus vein recaltgau els davos onns. Las perstgisas vegnan perquei tractadas a moda strengta, risguardond ils motivs menziunai el reglament.

Igl onn 2026 vegn il trenament cauld che ha liug mintga 2 onns a Glion puspei menaus atras. Fagei aschi bien e mirei da prender part quella sera che essas partgi en. Midadas vegnan fatgas mo en communicaziun cun il cumandant.

Il program annual, formular da perstgisas, annunzias per survetschs specials sco era autras informaziuns anflas ti sin la pagina d'internet dalla vischnaunca sut survetschs communal e pumpiers. Per ulteriuras damondas sas ti bugen contactar mei.

Engraziel fetg per Tiu survetsch da pumpiers tiel corp da pumpiers Lumnezia. Tiu engaschi ei ina cumpart per garantir la segirtad publica. Sin in bien onn da pumpiers, plein motivaziun e negins accidents ed incaps.

Il cumandant, Franco Caminada



Radunonza BFV

La radunonza da delegai dall'associaziun da pumpiers grischuna ha liug ils 25 d'avrel 2026 a Bravuogn. (Bergün)

Nies corp ha 4 vuschs da delegai. En cass che Ti has il desideri da representar nies corp, lu fai aschi bien e s'annunzia tiel cumandant.

Bündner Feuerwehrverband
Associaziun grischuna da pumpiers
Federazione grigione dei pompieri



Clavs dils locals da pumpiers

La cumbinaziun da cefras per las scaffettas da clavs vid ils locals da pumpiers vegn midaus sigl 1. da fevrer. Naven da quei gi vala la cumbinaziun [REDACTED]. Jeu supplicheschel vus da tractar quei „code“ a moda confidenziala per evitar maldiever e malemperneivladads.



Alarm (seracass)

In clom d'alarm succeda per sms e telefon. Il computer che discuora il text ei buca adina aschi bein capeivels. Ensemen cul sms eis ei denton negin problem da capir la novitad. Cura che ti has mintgamai tedlau la novitad/igl alarm fai aschi bien e quittescha quel cun las tastas da tui telefon. Autruisa serepeta igl alarm magari pliras gadas.

In clom d' alarm falliu

Priu che ti eis semess sin via tier in clom d'alarm e quel vegn interruts („nicht mehr ausrücken“) eis ei impurtont che ti s'annunzias el local da pumpiers per s'enscriver ella gliesta d'appel ni che ti annunzias quei a scret (ni mail) al cumandant ni furier. Jeu sun cunscients ch'igl ei per nus buca diltut pusseivel da controllar quei agir, denton sperel jeu che negin fetschimaldiever.

Igl alarm vegn buca pli sut la nr. 118 mobein sut la nr. +41 58 252 76 67 ed in sms sut la nr. +41 79 252 76 32. Igl ei cunvegnet d'arcunar las numeras novas el telefonin, sut „alarm da pumpiers“. Il clom d'agid resta secapescha vinavon la nr. **118**.

Seracass

Tier in seracass ei mintga pumpiers obligaus da suandar il clom! Da principi vala: Tuts alarms han emprema prioritad. Pumpiers che vegnan clamai entras in alarm (pager, natel, telefon, sms, sirena) han immediatamein da serender el local da pumpiers per garantir ch'il material e las maschinas vegnien sil plaz ed excepziunalmein era directamein al plaz da seracass. Nus tolerein neginas damondas davart l'urgenza sur telefon. In alarm ei ligionts per tut ils alarmai!

Las excepziuns fuorman las suandontas situaziuns:

- il pumpier caschunass dons ni mettess en prighel persunas (affons pigns persuls a casa...)
- il seracass pertucca l'atgna facultad

Lavur ei da principi negin motiv da buca vegnir tier in alarm



Corp da pumpiers 2026

Secziun Vrin Lumbrein

Meinasecziun: Caviezel Serafin

Meinagruppas:	Milissa:	Capaul Marco	Derungs Andy
Caviezel Willi	Alig Janic	Capaul Martin	Derungs Gabriel
	Alig Sandro	Capaul Pius	Keller Martin
Cau da material:	Caminada Damian	Capaul Seraina	Lombris Dario
Solèr Tino	Caminada Manuel	Capaul Tiziano	Pelican Marco
	Caminada Rino	Casanova Damian	Rattaggi Fabio
	Capaul Fabiana	Casanova Marco (86)	Riesterer Thomas
	Capaul Flurin	Casanova Pascal	Solèr Beat
	Capaul Gian Carlo	Collenberg Elmar	

Secziun Lumnezia dado

Meinasecziun Lumnezia dado A: Andreoli Rafael

Meinasecziun Lumnezia dado B: Derungs Gian

Officers:	Cau da material:	Caviezel Silvan	Caduff Dario
Cabalzar Marcel	Bundi Ursin	Derungs Erwin	Caduff Silvan
Lombris Ivan		Derungs Julian	Camenisch Sandro
Meinagruppas:	Milissa A:	Derungs Marius Robert	Casanova Fabio
Cadalbert David	Blumenthal Maurus	Mark Martin	Caviezel Ramon
Casanova Sven	Caduff Livio	Mark Reto	Demont Rino
Projer Adolf	Camenisch Daniel		Demont Yanick
Solèr Roland	Camenisch Simon	Milissa B:	Derungs Ivo
Zinsli Flurin	Capaul Livio	Arpagaus Severin	Lechmann Marco
	Casanova Gian	Blumenthal Marco	Montalta Livio
	Casanova Ivo	Blumenthal Romeo	Montalta Sandro
	Cavegn Robin	Cabalzar Corsin	Riedi Luca
			Riedi Ursin

Secziun Suraua

Meinasecziun: Bundi Ursin

Meinagruppas:	Cau da material:	Milissa:	
Derungs Conradin	Casanova Reto	Arpagaus Dario (92)	Deplazes Edvin
Derungs Marcus		Blumenthal Giulio	Derungs Flavio
Derungs-Loretz Rafael		Camenisch Damian	Derungs Rico
Derungs Rafael		Capaul Patric	Jakob Stefan
		Casanova Gianluca	Sgier Patrick Martin

Secziun Noviz

Meinasecziun: Crivelli Fabio

Novizs 2025:		Noviz 2026:	
Arpagaus Dario (04)	Spescha Romina	Casanova Marco (05)	Derungs Moreno
Capaul Samuel	Tanno Nathan	Collenberg Aron	Vincenz Marc
Demont Matteo			

Commando/logistica

Cumandant:	Vicecumandant:	Furiers:	Cumandant: Caminada Franco
Caminada Franco	Sgier Thomy	Caduff Marcel Wolf Daniel	Chef da material: Bundi Ursin

Las survestas dallas persunas incorporadas ein actualas. Ellas san semidar duront igl onn ora ed igl ei buca pusseivel dad informar vus duront igl onn ora davart tut las mutaziuns.

Midada da commando

Tras la demissiun da Rino Caviezel ei Franco Caminada vegnius elegius sco niev cumandant.

Congedi

Congedis concedel jeu excepziunalmein e mo tier cass specials e motivai. Quei sa per exempel esser in'absenza duront in pli liung temps, ina scolaziun intensiva, motivs famigliars, eav. Tals che drovan in congedi, supplicheschel jeu da s'annunziar immediatamein tier mei per saver sediscussiunar en caussa. Persunas cun congedi restan incorporadas, denton deliberadas quei onn dil survetsch activ e pagan enstagl la taxa da cumpensaziun (fr. 300.-). Suentar il congedi ein els puspei obligai da prestar survetsch activ.

Program annual

Mintga pumpier ei obligaus da frequentar annualmein 8 exerchezis, respectivamein commembers dil cader 13 exerchezis. Ord differents motivs ei quei magari buca pusseivel quellas seras che l'atgna secziun ha exercezi, aschia sas ti denton era untgir sin in exercezi d'in 'autra secziun. Era separticipar als exerchezis dalla secziun da novizs ei pusseivel, ni en cunvegnientscha cul cumandant, era ad in exercezi da cader. Aschia sa da principi mintgin contonscher il diember d'exerchezis pretendiu. Cun in sms il di digl exercezi da miezdi vegn ulteriuramein fatg attents sils exerchezis. Quei sms ei in survetsch supplementar. Havess quei sistem inagada - ord tgei motivs adina - buca da funcziunar, ei quei negina stgisa da buca vegnir ad exercezi e vala era **buca** sco perstgisa.

Uteriuras informaziuns anflas ti sillas paginas d'internet:

- www.lumnezia.ch
- www.gvg.gr.ch
- www.webmembers.ch/gr

Perstgisas

Perstgisas per exercezis buca frequentai ein d'inoltrar **a scret** e motivau enteifer 10 gis al furier, tier assenza dil liug sil pli tard suenter 3 gis dapi il retuorn en vischnaunca. Perstgisas san ins tarmetter directamein al furier ni al cumandant per mail (scan) ni posta.

Davart las perstgisas decida il cumandant da pumpiers. Sco motivs da perstgisa valan:

- Malsogna ni accident
- Greva malsogna ni accident en famiglia (in attest dil miedi sa vegnir pretendius)
- Mortori en famiglia
- Survetsch militar ni civil
- Davart ulteriurs motivs plausibels decida il cumandant da pumpiers.

Encunter las decisiuns da multa dil cumandant da pumpiers sa vegnir fatg protesta a scret e motivau enteifer 30 gis tier la suprastanza communal.

Lavur ei da principi buca motiv da perstgisa!

Pumpiers cun perstgisas nunvaleivlas, nunmotivadas ni absenzas senza perstgisa vegnan castigai tenor il reglament da menaschi dil corp da pumpiers.

Tier in'absenza d'inseracass drovaei negina perstgisa!

Adressa per perstgisas:

Pumpiera Lumnezia
Furier Caduff Marcel
Palus 32 D
7144 Vella



Perstgisas ein d'inoltrar a scret ni online sur la pagina dalla vischnaunca, partiziun pumpiers, ni far in scan dil QR-Code sura.

Mo perstgisas inoltradas san vegnir tractadas.

**La perstgisa sto cuntener:
il num, il datum digl exercezi/alarm
munchentau, il motiv e sche pusseivel in
mussament.**

Midada d'adresa ni/e da nr. da telefon

Fai aschi bien ed annunzia midadas da nr. da telefon, da handy e reit fixa, per che nus saveien tener actual nossa datoteca. Quella survescha era per il sistem d'alarm. Quellas mutaziuns san vegnir fatgas per mail ni a scret al furier ni al cumandant.

Plinavon supplicheschel jeu tei dad indicar a mi l'adresa da mail (tut tgi che ha aunc buca fatg quei). Quei simplifichescha la communicaziun. Invitaziuns a cuors succedan sulettamein sur mail.

Indicaziuns sut: **pumpiers@lumnezia.ch**

Carrar tier in alarm

Per ils biars dils pumpiers ei in alarm zatgei special cun quei ch'els ein buca disai cun quellas situaziuns. Tut tgi che ha gia fatg pumpiers sa per quei ch'in alarm caschuna el tgiarp in stausch d'adrenalin. Mo era cheu vala: **star ruasseivels!**

In alarm lubescha buc da rumper reglas da traffic (era buca cun autos da pumpiers). Sulettamein in pumpier ch'arriva saunamein sil plaz da seracass ei in agid.

Vestgadira

Jeu supplicheschel tei da **buca** lavar la vestgadira da pumpiers. Priu che tia mondura ei tschuffa sas ti purtar ella al cau da material. Ti survegnis in'otra mondura tochen che la Tia ei lavada. Aschia savein evitar ch'ina mondura vegn tgirada falliu e medemamein garantin nus che mintga pumpier ha ina mondura en cass dad in'intervenziun.

Dapi la fusiun da nossa vischnaunca essan en possess dalla mondura actuala. Suenter in temps da survetsch da biabein 10 onns ei era quella da reveder, quei che vegn a succeder en etappas sur plirs onns e sur las secziuns ora

Schurmetg da flad

Plirs seracass dils davos onns el cantun grischun, denton era tals tier nus en Lumnezia, han mussau ch'igl ei mo pusseivel d'agir efficientamein e cunzun cun prighel reduciu entras purtar schurmetg da flad. Il schurmetg da flad ei pia nuot auter ch'in schurmetg e duei esser in element che s'auda tier mintga pumpier e siu equipament, sco la capellina, ils vons ni la mondura da schurmetg.

Perquei exercitein nus stediamein cun schurmetg da flad.

Controlla da miedi

Il test da prestaziun per survetsch da schurmetg da flad vegn menaus atras naven da 2020 dil corp da pumpiers. La controlla dil miedi succeda da niev mo all'entschatta dalla carriera sco pumpier activ. Silsunter suondan tests da prestaziun interns. Controllas supplementaras entras il miedi succedan sulettamein en cass da dubis

Miedis che san far las controllas pil schurmetg da flad:

- Dr. med. Mario Venzin, 7144 Vella
- Dr. med. Hans-Ueli Fuchs, 7130 Glion
- Dr. med. Uwe Scharf, 7130 Glion
- Dr. med. Grimm Brigit, 7130 Glion
- Dr. Med. Ingo Kaczmarek, 7132 Val

ni per la lubeintscha da carrar C1 118:

- Dr. med. Pia Burger, 7144 Vella
- Dr. med. Mario Venzin, 7144 Vella
- Dr. med. Uwe Scharf, 7130 Glion

Il corp da pumpiers surprenda ils cuosts dallas controllas. Auters pareris da miedis vegnan buc acceptai e nus sorprendin era buc ils cuosts da tals.

Schulda

Persunas che prestan survetsch da pumpiers activ han il dretg sin ina indemnizaziun (schulda). La schulda vegn pagada ora alla fin digl onn entras il furier. La suprastanza communal ha fixau suandontas tariffas:

exercezis (2uras)	fr. 60.00
schurnadas per cuors da perfecziun	fr. 220.00
schurnadas per cuors da cader cantunals	fr. 250.00

Per dis da perfecziunament e scolaziun surpren la GVG era ils cuosts da spisa e star sur notg. Davart ulteriuras indemnizaziuns decida il cumandant ensemen cul furier denton adina avon che las expensas ein caschunadas! (far la damonda ordavon).

Supplementarmein dat ei in pagament da bonus per ils 3 davos exerciezis obligai. Quei vul dir in pumpier che frequenta tut ils exerciezis, sa quintar cun in supplement per il

- **6avel (ca. 35.- fr.)**
- **7avel (ca. 70.- fr.)**
- **8avel exerciezi (ca. 105.- fr.)**

Il bonus vegn accumulau, pia dat ei in supplementar total da ca. 210.- fr per in pumpier che frequenta tut ils exerciezis. Quei vala era per il cader. Commembers dil cader frequentan annualmein denton 13 exerciezis.

Tariffa per survetsch el seracass

Tut ils pumpiers che prestan survetsch el seracass vegnan indemnizai naven dall'emprema ura:

• La tariffa per l'emprema ura	fr. 60.00
• La tariffa per mintga ura suandonta	fr. 30.00
• Alarm falliu	fr. 60.00

Suenter l'emprema ura vegn quintau giu mintga mes'ura.

„Notalarmierung“

Dat ei in problem cul sistem d'alarm usitau ei quel segiraus entras duas ulteriuras redundanzas d'alarmar. En quei mument discuor'ins d'in alarm en miseria, „Notalarmierung“.

Alarmierungsart	Pager	Festnetz	Mobile (Sprachanruf)	SMS	E-Mail
FAS (normale Alarmierungsart)	x	x	x	x	x
1. Redundanz WebMembers	x	---	---	x	x
2. Redundanz Swisscom Telefonkonferenz	---	x	x	---	---

El cass d'in tal clom d'alarm (Notalarmierung) eis ei necessari ch'il pumper alarmau serendi immediatamein el local da pumpliers nuach'el retscheiva ulteriuras informaziuns.

Contacts impurtants

cumandant

Caminada	Franco	Vrin	079 697 41 59	--	zamuor-91@hotmail.com
----------	--------	------	---------------	----	-----------------------

vice-cumandant

Sgier	Thomy	Vella	079 724 98 61	--	thomy.sgier@bluewin.ch
-------	-------	-------	---------------	----	------------------------

officiers

Andreoli	Rafael (LD)	Lumbrein	079 536 48 71		andreoli.rafael96@gmail.com
----------	-------------	----------	---------------	--	-----------------------------

Bundi	Ursin (S)	Morissen	079 461 28 05		ursin.bundi@lumnezia.ch
-------	-----------	----------	---------------	--	-------------------------

Cabalzar	Marcel (LD)	Cumbel	079 671 29 33	--	celi.cabalzar@bluewin.ch
----------	-------------	--------	---------------	----	--------------------------

Caviezel	Serafin (VL)	Vrin	078 853 02 55	081 931 16 78	serafincaviezel@bluewin.ch
----------	--------------	------	---------------	---------------	----------------------------

Crivelli	Fabio (N)	Degen	079 645 87 28		
----------	-----------	-------	---------------	--	--

Derungs	Gian (LD)	Vella	079 129 79 39		gian.derungs@hotmail.ch
---------	-----------	-------	---------------	--	-------------------------

Lombris	Ivan (LD)	Vella	079 785 78 47		
---------	-----------	-------	---------------	--	--

furier e vice-furier

Caduff	Marcel	Morissen	079 795 63 23	081 544 57 73	pumpiers@lumnezia.ch
--------	--------	----------	---------------	---------------	----------------------

Wolf	Daniel	Vella	079 501 54 28	081 920 60 14	daniel.wolf@lumnezia.ch
------	--------	-------	---------------	---------------	-------------------------

chef da material

Bundi	Ursin (LD)	Cumbel	079 461 28 05		ursin.bundi@lumnezia.ch
-------	------------	--------	---------------	--	-------------------------

caus da material

Casanova	Reto (S)	Surcasti	079 479 87 86		
----------	----------	----------	---------------	--	--

Solèr	Tino (VL)	Lumbrein	078 834 19 72		
-------	-----------	----------	---------------	--	--

LD = Lumnezia dado, VL= Vrin/Lumbrein, S=Suraua, N=Noviz

Clom d'urgenza



Adina puspei vegnan ils pumpiers clamai sin las pli differentas modas. Che quei sa ver consequenzas fatalas muossan differents exempels en nies cantun. Perquei supplichein nus Vus ferventamein da clamar ils pumpiers adina sur il clom d'urgenza 118, era sch'ei drova mo in pumpier!

alarmar - spindrar - stizzar



Novizs trenament a Tusaun

Program annual pumpiers Lumnezia

schaner	fevrer	mars	avrel	matg	zercladur
1 gi Daniev	1 du	1 du	1 me LD B2	1 ve	1 gl HA
2 ve	2 gl PR 1	2 gl	2 gi	2 so	2 ma
3 so	3 ma	3 ma CA 2	3 ve venderdis sogn	3 du	3 me
4 du	4 me	4 me	4 so	4 gl	4 gi Sontgilcrest
5 gl	5 gi	5 gi	5 du Pastgas	5 ma SU 3	5 ve
6 ma	6 ve	6 ve mg 1	6 gl gl. Pastgas	6 me LD B3	6 so LOG
7 me	7 so	7 so	7 ma	7 gi	7 du
8 gi NO info	8 du	8 du	8 me	8 ve	8 gl
9 ve	9 gl	9 gl	9 gi NO 4	9 so	9 ma NO 5
10 so	10 ma VL 1	10 ma	10 ve	10 du	10 me
11 du	11 me LD A1	11 me	11 so Pio 1	11 gl CA 3 regio	11 gi
12 gl sera district	12 gi	12 gi NO 3	12 du	12 ma	12 ve
13 ma	13 ve	13 ve	13 gl	Off 1	13 so
14 me	14 so	14 so WBT	14 ma		14 gi Anceinza
15 gi	15 du	15 du	15 me		15 gl
16 ve	16 gl	16 gl PR 2	16 gi		16 so
17 so	17 ma SU 1	17 ma	17 ve		17 du
18 du	18 me LD B1	18 me mg 1	18 so BA 1	18 gl PR 4	18 gi
19 gl	19 gi NO 2	19 gi	19 du	19 ma HA	19 ve
20 ma CA 1	20 ve	20 ve	20 gl PR 3	20 me HA/M	20 so
21 me NO 1	21 so	21 so	21 ma	21 gi HA	21 du
22 gi	22 du	22 du	22 me	22 ve	22 gl
23 ve	23 gl	23 gl	23 gi	23 so	23 ma
24 so	24 ma	24 ma VL 2	24 ve	24 du Tschun-cheimas	24 me
25 du	25 me	25 me LD A2	25 so	25 gl gl. Tschun-cheimas	25 gi
26 gl	26 gi	26 gi	26 du	26 ma HA	26 ve
27 ma	27 ve	27 ve	27 gl	27 me HA/M	27 so
28 me	28 so	28 so	28 ma VL 3	28 gi HA	28 du
29 gi		29 du	29 me LD A3	29 ve	29 gl
30 ve		30 gl	30 gi	30 so	30 ma
31 so		31 ma SU 2		31 du	

Legenda:

mg	meinagruppas
of	officiers
CA	cader

VL	Vrin Lumbrein
LD	Lumnezia dado
SU	Suraua

fenadur	uost	settember	october	november	december
1 me	1 so fiasta Nazionala	1 ma SU 5	1 gi	1 du Numna-sontga	1 ma
2 gi	2 du	2 me LD B5	2 ve	2 gl	2 me CA 5
3 ve	3 gl	3 gi	3 so	3 ma VL 7 LD A7	3 gi
4 so	4 ma	4 ve	4 du	4 me SU 7 LD B7	4 ve tsch
5 du	5 me	5 so	5 gl	5 gi	5 so
6 gl	6 gi	6 du	6 ma SU 6	6 ve	6 du
7 ma	7 ve	7 gl	7 me LD B7	7 so	7 gl
8 me	8 so	8 ma	8 gi	8 du	8 ma
9 gi	9 du	9 me	9 ve	9 gl	9 me
10 ve	10 gl	10 gi	10 so	10 ma	10 gi
11 so	11 ma	11 ve	11 du	11 me	11 ve
12 du	12 me	12 so	12 gl	12 gi Pio 2	12 so
13 gl	13 gi	13 du	13 ma	13 ve	13 du
14 ma	14 ve	14 gl	14 me	14 so	14 gl
15 me	15 so Nossadunna d'uost	15 ma	15 di	15 du	15 ma CA ses.
16 gi	16 du	16 me NO 7	16 ve	16 gl PR 8	16 me
17 ve	17 gl PR 5	17 gi	17 so	17 ma	17 gi
18 so	18 ma	18 ve	18 du	18 me	18 ve
19 du	19 me NO 6	19 so	19 gl	19 gi	19 so
20 gl	20 gi	20 du	20 ma	20 ve	20 du
21 ma	21 ve	21 gl PR 6	21 me	21 so	21 gl
22 me	22 so	22 ma	22 gi	22 du	22 ma
23 gi	23 du	23 me	23 ve	23 gl	23 me
24 ve	24 gl WBA	24 gi	24 so	24 ma VL 8 LD B8	24 gi
25 so	25 ma VL 5	25 ve	25 du	25 me SU 8 LD A8	25 ve Nadal
26 du	26 me LD A5	26 so	26 gl PR 7	26 gi	26 so S. Stiafen
27 gl	27 gi	27 du	27 ma CA 4	27 ve	27 du
28 ma	28 ve	28 gl	28 me	28 so LOG	28 gl
29 me	29 so	29 ma VL 6	29 gi	29 du	29 ma
30 gi	30 du	30 me LD A6	30 ve	30 gl	30 me
31 ve	31 gl		31 so		31 gi Silvester

vers.16.12.2025

Pio	pionier
NO	novizs
PR	preparaziun

HA	exercezi cauld (HA) / maschinists (M)
LOG	schubergiar vehichels
tsch	tscheina da pumpiers

Exercezi cauld a Glion

Il 19 da matg entochen igl 1. da zercladur 2026 porscha la GVG in trenament cauld a Glion tier las tematicas.

Sin la fotografia veseis Vus in da quels containers novs. La GVG ha astgau cumprar quest onn gest 3 da quels.

La finamira ei che tut ils pumpiers frequentien quei exercezi. Tals che san buca far schurmetg da flad ord motivs medicinal, survechan sin quels posts sco persunal da sustegn. Ils exercezis vegnan menai dad instructurs.

Ei setracta dad ina schanza per saver recaltgar experienza cun calira (vapur) e cundiziuns semegljontas ad in seracass. Mo aschia savein nus esser preparai optimalmein per in seracass. Il program detagliau (tgei sera) vegn tarmess tier el decuors dil meins mars. Specials giavischs da termin san vegnir risguardai, sch'els vegnan communicai tochen la fin da fevrer al cumandant.

Pils maschinists ei previu duront duas seras digl exercezi cauld in exercezi specialmein pils maschinists.

